

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De S. Ioseph Christi nutricio, Sermo.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

Ephes. 1. nostram à se suscep tam reformauit, natura que imaginem ad dignitatem, quam contumacia primi parentes amiserant, restituit: etiamque supra omnem principatum, & potestatem, & virtutem, atq; omne nomen, quod in hoc, aut futuro seculo nominatur, prouectam, in cælesti solio collocauit. Ipsi gloria, & imperiū, & honor, & adoratio cum Patre & Spiritu sancto nunc & semper & in æterna secula, Amen.

ALOYSIVS LIPO MANVS EPISCOPVS
VERONENSIS, CANDIDO PIO'VE
Lectori.



Riusquam ad hunc, qui sequitur, Diu Iohannis Chrysostomi sermonem legendum accedas, benignus Lector, est quod te aliquantulum detineam, cautumque reddam. Videbis nanque magnum Chrysostomum ciudem hic esse sententia, cuius & in libro de excidio Hierosolymitanorum Eusebius & Eusebius Cesareensis libro 2. cap. 1. Ecclesiastica Historia, multique ex Græcis patribus fuisse leguntur: nempe beatissimum Ioseph sanctissimam Deiparæ sponsum, filios ex alia vxore suscepisse, & inter ceteros Iacobum Apostolum, cognomento fratrem Domini: Ea vero deinde repudiat, seu, ut alij volunt, premortua, in castitate vixisse, & liberos in disciplina & timore Domini educasse. Huius etiam opinionis fuisse videamus Diuum Hilarium Pictaurorum Episcopum, super Matthæum capite primo, & Diuum Ambrosium Mediolanensem Antistitem, super Epistolam ad Galatas capite primo. Chrysostomum quoque secutus est compilator eius Theophylactus Bulgaria Archiepiscopus, qui eundem Iacobum, & reliquos fratres, filios asserit fuisse Ioseph: sed alio modo, quam Chrysostomus autem. Cuus verba, ut melius res percipiatur, subiectam. Ait enim is super Matthæum capite decimotertio: Fratres habuit Dominus, & sorores, Ioseph filios, quos genuit ex uxore fratris sui Clopa. Mortuo enim absque liberis Clopa, Ioseph, iuxta legem, uxorem eius accepit, & pueros procreauit sex, quatuor mares, & duas foeminas: Mariam, quæ dicebatur Clopa filia secundum legem; & Salomen. Et haec quidem illæ. Vides igitur, quid magni vtriusque Ecclesiæ viri de B. Ioseph sentiant.

Ego, ut verum fatuar, & animum meum coram Deo, teque ac toto Christiano orbe testatum faciam: (pace sit dictum omnium horum præcellentium virorum, quos in alijs sequor plurimum, amplector, & tanquam venerabilissimos patres vehementer obseruo: at in hoc mihi placere nequaquam possunt) semper contraria tenui sententiam, tenereque profitebor usq; ad mortem: nisi sancta mater Ecclesia diuersum aliquid super hoc statuat: vel nisi quis me potentioribus & efficacioribus viscerit rationibus, ut à mea viuis recedam opinione. Credoque & firmiter teneo, beatissimam Virginis sponsum, virginem & ipsum fuisse; nec unquam pudicitia sua florem amisisse. Talem enim matrem, talem sponsum, & talem tantumque filium, talem putatium patrem habere par erat. Et nè ex meo cerebro hac eruta videatur sententia, tribus eam, si potero, enitar medijs confirmare: Sacra primùm ipsius scriptura fontibus, ijsque pie relectaque, & secundum germanum sensum deductis, constanti etiam, ut credimus, & quæ vincipon possit, ratione. Tum demum sanctorum aliquorum patrum autoritate. Quod nisi effecero, tum tu me imperita stultiæque arguio: atque ego liberam tibi concedam, quicquid volueris, credendi potestatem. Audi ergo diligenter & patienter ausulta, quæ pro hac sententia firmando tibi affero.

Ac primùm quidem id nobis exploradum censeo, num ex scripturis, quismam versus pater, & quæ vera mater fuerit Iacobi istius minoris, qui etiam dictus sit frater Domini, reperiiri poscit. Credoque non fore id difficile, immo ex propatulo loco satis constare. Sed assertio illa præmittenda, quam negare mihi nequaquam possunt etiam ij, qui vel sacras literas eminùs salutauerint: Scripturam nempe sacrâ quoties ita loquitur, Isaac Abraham, vel Iacob Isaac, hunc in auditum aures sensim & intelligentiam immittere, & non aliam, Isaac esse filium Abraham, & Iacob filium esse Isaac. Hoc Luce 3. capite maximè ostendere possumus, vbi genealogia Domini ex Ioseph ascendo usque ad Deum describitur. Dicitur nanque ibi: Et ipse Iesus erat in cipiens quasi annorum triginta ut putabatur, filius Ioseph, qui fuit Heli, subauditur filius: qui fuit Matthat, nempe filius:

S. Ioseph
perpetuo
virginem
mansisse.

Luc. 3.

filius? & sic de singulis usque ad Adam, de quo ultimo loco dicitur? Qui fuit Dei? & sub-intelligitur filius. Hoc idē probatur Iohānis vltimo, cūm dicit Dominus Petro: Simon Iohan. 21.
Iohannis, amas me? Hoc est, Simon filii Iohannis. Quod ita esse ostendit Dominus ipse
Matthāi xvij. vbi dicit ad eundem? Beatus es Simon bar Iona, quia caro & sanguis
non renelauit tibi, sed pater meus, qui in cælis est. Bar enim Hebraicè, Latinè filium
sonat

Vnus est duntaxat locus, in quo propositio ista non currit, quando videlicet aliter interpretari scriptura ipsa te necessario compellit. Et vt me intelligas, opportunum tibi affero exemplum Lucæ sexto, vbi duodecim Apostolorum nomina recensentur, quo in loco inter cætera habetur: Et Simonem, qui vocatur Zelotes, & Iudam Iacobi, & Iudam Iscariotem, qui fuit proditor. Quomodo hic expones Iudam Iacobi? Filium ne? Minime quidem, quoniam te alia scriptura ita facere prohibet. Quomodo ergo? Iudam Iacobi fratrem interpretaberis, quoniam is in sua Canonica Epistola, ita de seipso loquitur: Iudas Iesu Christi seruus, frater autem Iacobi. Vbi autem nulla nos adigit scriptura, semper prædicta regula propositio que tenenda est.

Venio nunc ad ipsum quæstionis scopum, & patrem Iacobim minoris, dico non fuisse Ioseph, sed Alphæum. Hoc probamus ex Matthæi capite X. vbi ponens Euangelista duodecim Apostolorum nomina, ita inquit? Duodecim autem Apostolorum nomina hæc sunt: Primus Simon, qui dicitur Petrus, & Andreas frater eius; Philippus & Bartholomæus, Iacobus Zebedæi & Iohannes frater eius; Thomas & Matthæus publicanus; & Iacobus Alphæi, & Thaddeus, Simon Chananæus, & Iudas Iscariotes, qui & tradidit eū. Marcus quoque capite 3. & Lucas capite 6. & ipsi duodecim Apostolorum catalogum recensentes, si cut primum Iacobum cum Iohāne fratre, Zebedæi, ita Iacobum alterum, Alphæi dicunt. Quòd si primum illum Zebedæi filium exponere cogeris, (Eius enim filius fuit, vt ex Matthæo codem capite quarto, & Marco capite primo constat) ita etiam secundum Iacobum, hunc videlicet minorem, fratrem Domini nuncupatum, Alphæi filium exponere, velis nolis, compelleris. Cur enim Iacobum illum ex Zebedæo natum patre asseras, hunc autem ex Alphæo natum neges? Aut ergo vtrosque filios expone, aut vtrosque nega? vel scripturam adducito aliquam, propter quam Zebedæum Iacobim minoris patrem dicere cogaris, Iacobi autem minoris Alphæum patrem non ita. Quam certò scio haudquaque inuenire poteris. Crede ergo expositioni nostræ. Et hoc quantum ad patrem pertinet.

Quæverò Iacobi huius Iusti mater fuerit, & ipsa scriptura se consulentibus aperit. Si enim legeris 27. Matthæi caput, inuenies profectò ita in eo scriptum? Erant autem ibi (nempe vbi crucifixus est Dominus) mulieres multe à longè, quæ secutæ erant Iesum à Galilæa, ministrantes ei inter quas erat Maria Magdalene, & Maria Iacobi & Ioseph Maria eius mater. mater, & mater filiorum Zebedæi. Et nè qua detur tibi dubitandi occasio, quis iste sit Iacobus, cuius mater Maria dicitur, scrupulum tibi omnem auferit Marcus, capite decimoquinto inquiens? Erant autem & mulieres de longè adspicientes, inter quas erat Maria Magdalene, & Maria Iacobi minoris & Ioseph mater, & Salome: quæ, cūm esset in Galilæa, sequebantur eum, & ministrabāt ei. Et quia futuros esse hæreticos prætidebat Spiritus sanctus, qui hanc Mariam, quæ Iacobi minoris & Ioseph mater dicitur, eadem esse, quæ & Saluatorem nostrum peperit, quæque ex Iosephi marito Iacobum hunc fratrem Domini, & alios fratres eius genuisset, impudentissime asserturi erant: Iohannes discipulus Domini dilectus, omnium Euangelistarum vltimus, hanc hæreticorum blasphemiam omnino sustulit, cūm dixit capite 19. Stabant autem iuxta Crucem Iesu mater eius, & soror matris eius Maria Cleopha, & Maria Magdalene. Mariam Cleopha, id est, filiam accipe, secundum propositionem nostram primo loco positam. Eccè ergo quam alij Euangeliste Mariam Iacobi minoris & Ioseph matrē nominant, Iohannes sororem matris Iesu dicit, & Cleopha filiam. Et quia soror erat sancte Dei genitricis, id est Iacobus, Ioseph, Iudas & Simon fratres Domini visitato scripturæ more, quo filij duorum fratrum, seu duarū sororum, hoc est, patruelles, vel consobrini, fratres nuncupari solent, & ipsi fratres Domini dicti sunt, Matthæi 13. in fine.

Ex his omnibus luce, vt arbitror, clarissima meridiana liquet, patrem Iacobim minoris, fratris Domini dicti, & fratrum illius fuisse Alphæum, eorum vero matrem Mariam sororem sanctissimæ Deiparæ, filiamque Cleopha. Quia autem Mariæ istius mater fuerit, ad præsens intactum relinquo. (fortè in fine huius epistolæ & de hoc aliiquid dicetur). Non enim ad presentem questionem multum spectare videtur. Satis nanque nobis est scire,

sororem illam beatissimam Virginis extitisse. Quod si Iacobus, & ceteri eius fratres, Alphai, & huius Mariae Cleophae filii fuerunt, videant, obsecro, quomodo id fieri possit, ut Ioseph pater Domini putatius, ex alia vxore eos genuerit.

Ratio tri-
membri.

Venio modò ad rationem urgentissimam trimembrem, cui iudicio meo nullus aptè satis & idoneè respondere poterit, quæ est huiusmodi. Aut Ioseph aliam vxorem, ex qua Iacobum & alios fratres suscepit, ante beatam virginem habuit, quæ postea mortua est, vel repudiata. Aut simul cum beata virgine & alteram illam habuit. Aut denique post mortem sanctæ Mariæ alteram vxorem superinduxit, ex qua filios illos suscepit. Nec enim quartum membrum mihi dare poteris.

Si primo modo dixeris, ut velle videtur Hilarius: videlicet ex priori coniugio filios illos suscepitos, hoc profecto falso est, & à veritate alienum. Nam ista coniunx, quam tu prætendis ante diutam, & postea mortuam, non potuit esse altera à Maria ista, sorore matris Domini, quæ ab Euangelistis mater dicitur fuisse Iacobi minoris, quæ tamen tempore mortis Christi viua erat, & stabat iuxta crucem Iesu vnâ cum sorore sua sancta Deipara, quæ dudum antè, & iam annis 33, fuerat ipsi Ioseph desponsata, ut superius ex Euangelij ostensum est. Quod si dicas, Ea quidem viua potuit esse, sed repudiata, ut vult Chrysostomus? vide, obsecro, quomodo id asserere possis. tum quia non conuenit viro iusto, cuiusmodi erat Ioseph, Euangelio teste, sanctam mulierem, quæ continuè Dominum sequebatur ministrans ei, repudiare. tum quia, ea adhuc viuēte, minimè beatam virginem sororem suam habere potuisse, ut in sequenti membro euidenter patebit.

Matth. 1.

Dices forsitan Ambas Ioseph uno eodemque tempore vxores habuit, Mariam scilicet Domini matrem, & Mariam alteram sororem eius. Hoc simili modo mendacium esse conuincitur, sed & insufficiens primo dicto. Nam licet Iacob Patriarcha duas simul

Gen. 29.

vxores habuerit, Liam & Rachelem, hoc tunc ex diuina permissione, aut etiam significacione factum est. Præsignificabatur enim in duabus illis sororibus Iudaorum Synagoga & Ecclesia de gentibus congreganda, sive actiuâ vita & contemplatiua. Quod si fortasse in alijs quoquæ factum fuisse reperiatur, quod haud credo facilè ostendi posse, id vñque ad legis Molaicæ promulgationem licuit? At ea lata, minimè? immo quid faceret, mandatum est tolli de medio populi sui. Adduco autem tibi diuinam ipsam legem, factum hoc omnino inhibentem, quæ est huiusmodi, Leuitici 18. Sororem vxoris tuæ in pellicatum illius non accipies, recrue labis turpitudinem eius, adhuc illa viuente, vel vt alij legunt, vxorem cum sorore eius non accipies ad amulationem, vel ad lat-

Leuit. 20.

ceſſendum? Nempe sicut faciebant duas vxores Iacob, quæ magna inter se ob virum ardebat zelotypia. Quam legem Hesychius, Radulphus, ceterique libri illius expoſtores, de eo intelligunt, qui vxori simul & eius sorori iungatur, ita ut duas sorores pariter vxores habeat, illeque in vnius viri contubernio simul habitent, aut quomodo cunque, vna viuente, quam cognouerit, alteram superinducat.

Ge. 30. &c.

Superest ergo, ut tertium modum eligas, & dicas, post mortem sanctissimæ virginis Ioseph hanc Mariam in coniugem accepisse, ex qua Iacobum minorum, & alios filios & filias genuit. Hoc si dixeris, in eandem, & adhuc maiori foueam te præcipite dabis, à qua nunquam exire poteris. Nam cùm beata virgo post mortem filii sui superuixerit, quomodo potuit Ioseph, ea mortua, sororem Mariam ducere, & Iacobum, & ceteros fratres eius ex ea generare, qui iam, adhuc viuente Salvatore nostro, grandæui erant, & in Apostolos eius assumpti, ut patet ex Euægelistarum libris, in quibus etiam Maria hac Iacobi minoris iam profecto nati, & non nascituri, matris titulo prænotata, iuxta crucem Domini steriſſe reperitur. Impossibilia hæc sunt, & eruditis auribus in digna. Vides iam, quocunq; te vertas, indissolubiles esse tricas, à quibus te explicare non possis? Non ergo verū, Ioseph ex alia vxore Iacobū minorem, cognomine fratre Domini, genuisse.

Tertium erat medium, quo nostram hanc assertionem nos probaturos dixeramus, sanctorum nonnullorum patrum authoritas, qui virginem fuisse sanctum quoquæ Domini patrem putatiuum manifestè adstruunt. Inter hos post Abdiam Babylonię Episcopum, in vita sanctorum Apostolorum Simonis & Iudeæ, quam is corum discipulus longo sermone descripsit, primum obtinet locum Diuus Hieronymus, qui in libro de perpetua virginitate Mariæ contra Heluidium hæreticum ita ait: Tu dicis Mariam virginem non permanuisse? ego mihi plus vendico, etiam ipsum Ioseph virginem fuisse per Mariam, ut ex virginali coniugio virgo filius nasceretur. Si enim in virum sanctum fornicatio non cadit, & aliam eum vxorem habuisse non scribitur, Mariæ autem, quam putatus

est

S. JOSEPH VIRGINEM PERMANISSE.

399

est habuisse, custos potius fuit, quam maritus? relinquitur, virginem cum mansisse cum Maria, qui pater Domini meruit appellari.

Huic proximè succedit Diuus Augustinus, & ipse Ecclesiae Doctor insignis, qui in fine Sermonis 14. de Nativitate Domini ita dicit; Habe ergò, Ioseph, cum Maria cōiuge tua cōmūnem virginitatem membrorum, quia de virginis membris virtus nascitur Angelorum. Sit Maria sponsa Christi, in carne sua virginitate seruata! sis autem & tu pater Christi, cura castitatis, & honorificentia virginitatis, ut de virginis membris genitricis seculis Christianis nulla sit zelotypia. Et paulopost; Gaudet itaque, Ioseph, nimiumque congaude virginitati Mariae, qui solus meruisti virginalem affectum possidere coniugij? quia per meritum virginitatis ita separatus es à concubitu vxoris, ut pater dicaris Salvatoris.

Rupertus quoquè Abbas Tuitiensis super Matthæum capite 1. relatis Diui Hieronymi verbis contra Helvidium, eius sententiam amplectitur & approbat.

Sequitur hanc eandem & Hugo de Sancto Victore, in Annotationibus super Epistolam ad Galatas, quæstione 5.

Demùm Beda Venerabilis, quem de industria in ultimo loco reseruari, in hāc sententiam & ipse accurrit, qui etiam super Marci caput. 6. de fratribus Domini loquens, inter cetera ait; Fratres & sorores Domini, Iudei secū esse testabantur: qui tamē non liberi Ioseph, aut Mariæ, iuxta hæreticos, putādi sunt: sed potius, iuxtamorē sacræ scripturæ, cognati ipsorum sunt intelligendi: quomodo Abraham & Lot fratres appellantur, cūm esset Lot filius fratris Abrahæ. Cuiusmodi inuenies multa. Vides ergò, si quis dixerit hos Domini fratres, vel ex beato Ioseph natos, vel ex sancta ortos Dei genitrici, nēdūm in honestam assertionem, sed etiam hereticam intentionem esse.

Quod si adhuc clarius, quomodo Iacobus & ceteri fuerint Domini fratres, cognoscere desideras, & per quæ sanguinis gradum, vel cognationis, siue affinitatis lineam, lege Hugonem ipsum in prædicto loco, qui abunde tibi in hoc satisfaciet, idipsum offendere satagēs. Quod si fortè nec, quæ ibi dicit, tibi placuerint, nempe Cleopham post mortem Ioachimi accepisse Annam beatæ Virginis matrem in uxorem, ex qua Mariam hanc Iacobi & ceterorum fratrum matrem genuerit: quemadmodum nec mihi placere potest, tātam illam matronam post sterilitatis diuina gratia solutum impedimentum, & post dignissimæ illius plantulæ foeturam, nempe Reginæ Angelorum & Domina nostræ ortum, mortuo Ioachim, vñ atque alterum, vt vulgo dicunt, sibi maritos superinduxisse: & rursus atque rursus coniugales amplexus adamâscit. dicit Cleopham, qui hanc Mariam Iacobi matrem genuit, fratrem germanum sancti Ioseph fuisse, vt Theophylactus asserit, qui ex coniuge sua, quæcunque ea fuerit, Mariam hanc genuerit, quæ postea Alphae nupta, mater horum filiorum effecta sit. Cūm ergò sanctissima Maria sponsa fuerit beati Ioseph, Cleopha glos fuit: ille que ei leuir, atque filia eius Maria beatæ Virginis neptis, quæ eius soror, more scripturarum, dicta fuerit, sicut Lot frater Abrahæ. Hincque factum, vt Iacobus minor, & reliqui eius fratres, fratres etiam Domini dicti fuerint. Et hoc modo si dixeris, in nullam incides difficultatem. Quod si nec hoc tibi placet, aliam tu excogita rationem meliorem, cui ego libens acquescam, modò nē dixeris, sancti & iustum virum Ioseph, à Deo ad custodiā castissimi templi eius & Spiritus sancti tabernaculi, hoc est, beatissimæ Deipara, electum, & tāta dignitate decoratum, vt pater filii sui in terris dici mereretur, alterius se uxoris osculis & amplexibus misericordie, ac suauissimum decoræ pudicitia florē amississe. Non quod, si hoc fecisset, aliquid iustitiae eius, aut beatissimæ Virginis, vel admirabilis filij eius sanctitati detraheret, cūm honorabiles vbiquè prædicetur nuptiæ, & torus immaculatus: Hebr. 13. sed quia indecens quodammodo Dei filio videretur, si, dum virginitatis gloriam, meritum ac priuilegium in sua, sanctissimæque matris persona, primū dedicabat, eandē minimē in patre quoquè suo putatiuo, tanquam non suauiter omnia disponeret, cooptasset? Cūm ille maximē ad noui testamenti gratiam, in qua bibitur vinū germinans virgines, pertinuisse videatur.

Quod si dixeris. Et quid ad dicta sanctorum patrum, contrariam sententiam tenentium, respondebis? Quid, inquis, respondebo? De duobus alterum? vel (quod tangere visus est Beda) ab hæreticis hæc in eoru voluminibus fuisse interiecta, cuiusmodi plurima etiam alijs in rebus immista quandoquæ cognoscere possumus: vel quæ ab eis dicta sunt, imprudentiusculè ac minùs accuratè (prout humana fragilitas fert, quod graui-

Zach. 9.

L 2 simi

simi etiam & eruditissimi viri quandoquè dormitent) fuisse enunciata. Nam si maiorum diligentia Euangelicos codices perpe dissent, nequaquam Iacobum minorem fratrem Domini, filium Ioseph, sed Alphai proculdubio afferuissent: sicut & Iacobum maiorem, Zeb*dæi* filium, & Petrum Ion*æ* vel Iohannis, adstruere compulsi sunt.

Habes ergo meam, bone lector, hac de re sententiā: quam & te quoquè, si pius es, si caſicatis & fanſtimonia amator, si beati Ioseph deuotus filius existis, ſecuturū non ambigo. Plura autem, si Verona in Epifcopatu meo fuifsem, ſuper hoc forſit collegiſem, vbi & librorum mihi copia ſuppeditat, & adſunt nonnullarū Epifolarum ſcheda vtrō citroque miſfarum, dum recolenda memoria Iohannes Cochlaeus vir doctiſſimus, & de Christiana republiça optimè meritus, adhuc nobisē in humanis ageret. Nā memini hac de re inter nos multa & diſta & conſtituta fuifſe. Hęc verò, quę per me nūc apud nobilissimū Polonię regnū Pontificium Legatum agentē, & libris fore carentem, atq; aſidię huc illucq; obequitantem, ac negocijſ diffiſillimiſ implicatum, quaſi ex memoria dici potuerunt, tu & benignè luſcipito, & æqui boniue conſulito. Vale.

SANCTI PATRIS NOSTRI IOHANNIS CHRYSTOſTOMI ARCHIEPISCOPI CONSTANTINOPOLITANI, in sanctissime Deigenitricis Annunciationem
Oratio. Eſt in Metaphraſte.

Gen. 3.

Gabriel cur
miſſus ad
Virginem.

Rursus latitiae nūcij, rursus libertatis inidia, rursus reuocatio, rursus reditus, rursus gaudia, rursus à seruitute liberatio. Angelus cum Virgine loquitur, quoniam ſerpē cum muliere locutus fuerat. Sexto, inquit, mense miſſus eſt angelus Gabriel à Deo ad Virginem deſponsatam viro. Miſſus eſt Gabriel, vt totius mundi ſalutem nunciaret. Miſſus eſt Gabriel, vt ſcriptum reuocationis Adam afferret. Miſſus eſt Gabriel ad Virginem, vt mulieris dedecus in honore conuerteret. Miſſus eſt Gabriel, vt puro ſponſo thalamum pararet. Miſſus eſt Gabriel, vt inter creaturam & creatorē ſpōſalia celebraret. Miſſus eſt Gabriel ad animatum palatium regis angelorum. Miſſus eſt Gabriel ad Virginem deſponsatam quidem Ioseph, ſed seruatam filio Dei. Miſſus eſt ſeruus incorporeus ad Virginem immaculatam. Miſſus eſt à peccato integer ad corruptionis expertem. Miſſus eſt lucernæ ſplendor, qui iuſtitiaz ſolem nunciaret. Miſſus eſt nitor aurora, qui diei lumen præcurreret. Miſſus eſt Gabriel, vt oſtenderet eum, qui eſt in ſinu Patris, in matris etiam vlnis geſtarī. Miſſus eſt Gabriel, vt indicaret, qui eſt in ſolio, in ſpelunca etiam iacere. Miſſus eſt miles, qui Imperatoris myſterium promulgare. Myſterium, quod fide cognoscitur, & curioſitate non inueniatur. Myſterium adorandum, non humana prudentia ponderandum. Myſterium diuinis, non humanis rationibus explicandum.

Sextus mēſis.
Luc. 1.

Eſa. 7.

Eſa. 29.

Cauſe hoc
lege, nam

In mense ſexto miſſus eſt Gabriel ad Virginem. Quem ſextum mensem dicit? Quem? Ex quo nimirūm Elizabet̄ bonū accepit nuncium, ex quo Iohannem concepit. Vnde id planum fit? Ipſem Angelus Virginem alloquens, ſic interpretatur: Eccē Elizabet̄, inquit, cognata tua, & ipſa concepit filium in ſenectute ſua: & hic mensis eſt ſextus illi, quę vocatur ſterilis. Mense ſexto ſcilicet, coceptio Iohannis. Oportebat enim, ut milles anteiret, consentaneum erat, ut minister antecederet: æquum erat, vt index Domini praefentiam significaret. Mense ſexto miſſus eſt angelus ad Virginem deſponsatam viro. Deſponsatam, non autem coniunctam. Deſponsatam quidem, ſed seruatam. Cur deſponsatam? Nē celerius latro myſterium intelligeret. Nam per virginem quidem regem eſſe venturū improbus non ignorabat, qui pote qui Eſaię ipſe quoquè verba illa audierat. Eccē virgo in vtero habebit, & pariet filium. Itaque singulas virgines obſeruabat, vt vbi myſterium impleri animaduerteret, infamiam pararet. Idecō Dominus per deſponsatam venit. Quia enim deſponsata fuerat, deinceps in manū ſponsi tradenda erat. Mense ſexto miſſus eſt Gabriel ad Virginem deſponsatam viro, cui nomen erat Ioseph. Audi quid de hoc viro & de Virgine dicat Propheta: Dabitur hic liber obſignatus viro ſcienti literas. Id eft, Virgo plane immaculata. A quo dabitur? A ſacerdotibus vtiique. Cuia viro? Fabro Ioseph. * Hic Ioseph, fratreſ, claro priuū iunctus matrimonio ſuſcepereſ liberos? pōt autem, vxore repudiata, in caſtitate vixit, & liberos in disciplina & timore Domini